



## **Universitätsbibliothek Paderborn**

**Francisci Toleti S. R. E. Cardinalis Svmma Casvvm  
Conscientiæ, Sive De Instrvctione Sacerdotvm Lib. VII**

**Toledo, Francisco de**

**Coloniæ Agrippinæ**

2. De peccatorum differentijs in communi.

**urn:nbn:de:hbz:466:1-40916**

aliquando aliqua ex parte est in manu nostra, licet non tor-  
liter. Errunc grauius, vel leuius peccatum est, quo magis, vel  
minus est voluntarius actus, vel recessus. Vide igitur quid pec-  
catum sit est enim recessus voluntarius à diuino præcepto, cui  
conformare tenemur vitam. & operationes nostras. Tertium  
est, ut homo sciat, vel scire teneatur se agere contra regulam,  
vnde ignorantia efficit inuoluntarium, & excusat à peccato,  
quando non est crassa.

*De peccatorum differentijs in communi.*

C A P V T I I .

**A**liquot peccatorum diuisiones, si non omnes, saltem  
qua ad nostrum faciunt institutum, prosequi oportet.  
Et primo, peccatum diuiditur in mortale ex genere  
suo, & veniale ex genere suo. Pro quo notandum est, quod bis-  
tariam contingit a regula diuina recedere: Vno modo agen-  
do contra ipsam regulam: altero, non agendo secundum regu-  
lam, sed præter eam. Ab una enim via recedere possumus, aut  
contraria in sequendo viam, aut diuersam. Ille agit cōtra præ-  
ceptum, qui oppositum præcepti facit; ille vero præter, qui ali-  
quid facit, quod licet non sit contra præceptum, non tamen  
tendit in finem præcepti, qui Deus est: ver, gra, qui occidit, agit  
contra præceptum, *Non occides*: qui verbum otiosum, aut men-  
daciū iocosum dicit, non omnino contra præceptum facit,  
tamen facit aliquid, quod in Deum non est ordinatum. Id to-  
tum, quod contra præceptum est, dicitur mortale ex genere  
suo, quia ex se induxitum est mortis spiritualis, quæ est abla-  
tio gratiæ, si esset. Id vero quod est ex ira præceptum, veniale  
ex genere suo dicitur: peccatum quidem est, quia est recessus à  
regula, sed ex se gratiæ ablatuum non est: Deus enim glorio-  
sus non obligavit omnes actiones nostras sub præcepto, sed  
exclam: alias multas reliquit; sed nos debemus eas secundum  
notrum finem exequi, quod non facientes, peccamus venia-  
liter. Notandum tamen est, quod non omne mortale ex gene-  
re est mortale, id est, auferre gratiam sufficiens est: sicut e-  
reverè est mortale, id est, auferre gratiam sufficiens est: sicut e-  
stiam non omne veniale ex genere, reverè est veniale; nam gra-  
tiam auferre sufficit aliquando. Explico primum; Mortale ex  
genere dupli ex causa non est reverè mortale, sed fit veniale  
per accidens.

Prima

Prima est, ex leuitate materiae: vnde furari, ex genitor  
tale est, tamen furari quid minimi valoris, non est mo-  
nisi sit maior quantitas materiae.

Altera causa est ex actus imperfectione, quando non  
perfecte deliberatus, & voluntarius, licet aliquid sit volu-  
ntrij, vt in subito motu volendi vindictam, vel aliquid malum  
committendi contra praeceptum, cum non ad eum plena libe-  
tatis potestas: si tamen aliqua sit, quia intercedit mortalitat-  
brevis, vnde aliqua negligentia est, licet non notabilis, nec si  
veniale. Si tamen plena esset potestas, esset mortale. Explico  
secundum: Multis enim casibus, quod ex genere suo cliven-  
te, potest per accidens fieri mortale.

Primo, si ultimus finis in veniali constituitur, quod si, cum  
quis ita actum veniale executitur, quod paratus est, etiam si  
mortalis esset, exequi, tunc mortale est, licet sit verbo otiosum,  
vel vanum.

Secundo, cum ordinatur in peccatum mortale ratione  
nis, fit tunc mortale: vt qui mendacium dicit leue propter  
adulterium, mortaliter peccat.

Tertio, quando sequitur aliquod peccatum mortale, de quo  
constat, licet non ordinetur in ipsum, vt si quis faciens scandi-  
lum graue sequi, si mendacium leue dicat, & dicat, moniliat  
peccat.

Quarto, si est conscientia erronea. Qui enim purus sepecca-  
re mortaliter in verbo otioso, si id proferat, mortaliter pecca-  
tam enim iste animus habet peccandi mortaliter, licet ille ac-  
tus non erat vere peccatum mortale. Non solum hoc fit in ac-  
tu veniali, sed etiam in actu bono. Si quis enim purus sepecca-  
re mortaliter, audiendo sacrum in die festo, mortaliter pecca-  
tur, si audiat: etiam mortaliter peccat, si non audiat: nam non  
tum, sed praeceptum. His igitur causis veniale ex genere, fa-  
mortaliter per accidens.

Iterum dividitur peccatum in communis in peccatum omis-  
sionis, & commissionis.

Praecepta enim hominibus imposita quædam sunt affi-  
mativa, ipsos ad operandum obligantia, vt præceptum de di-  
ligendo Deum, & proximum, sacroq; audiendo, & alia huius  
modi: quædam sunt ab aliquo actu retrahentia, & prohiben-  
tia, vt, non occides, non mactaberis, & alia multa. Cum peccatum  
est contra negatum præceptum, commissio est: cum ven-

contra affirmatiuum, aliquando omissione, aliquando commissio est. Omissione est, cum non operamur, quod præceptum injunxit, ut, non diligendo Deum, cum tenemur: commissio, cum actum contrarium habemus, ut si quis Deum odio habeat. Ut plurimum tamen affirmatiuum præceptorum sunt omissiones. In venialibus etiam aliquando est commissio, aliquando omissione. Commisso, cum actus reperitur inordinatus extra diuinum præceptum, ut mentiri iocose, otiosum verbum dicere. Omissione, cum operationis conuenientis defectus est, ut, aliquibus diuinis inspirationibus non respondere, nec operari aliquid bonum, cum possit quis operari, licet non obligetur ex præcepto. Attendere autem hic oportet, quod aliquando in peccato omissionis est aliquis actus voluntatis, qui fertur in ipsam omissionem; ut qui nollet audire sacrum die festo. Aliquando est actus voluntatis, qui fertur in id, unde sequitur omissione, ut qui voluit tota die dormire, unde sequitur, ut sacrum non audiat. Aliquando nullus reperitur actus talis, ut qui oblato tempore confessionis, ad quam teneatur, prorsus non vellet confiteri, nec nollet, sed relinqueret. Sepe tamen omissione cum aliquo actu est; siue tamen sit, siue non sit, nisi aliunde ignorantia, vel alia causa excusat, peccatum est.

Tertiò, diuiditur peccatum, in peccatum cordis, & peccatum oris, & peccatum operis. Non est ista distinctio variorum peccatorum, quasi unum peccatum sit cordis, aliud oris, sed unum est peccatum varios habens augmenti gradus.

Primo enim peccatum committitur, cum est voluntatis deliberatae consensus, ut qui vult hominem occidere, committit peccatum, sed aggrauatur, cum ad opus peruenit. Similiter, qui verbo maledicit, prius in voluntate peccat, post in verbo peccatum auger. Aliquando sunt peccata diuersa ista tria, cum diuersorum peccatorum materia sumuntur, ut malitia, quæ in verbo consistit, superbia interius concepta in corde, & homicidium in opere, sunt quidem tria peccata diuersa, sed cum eadem est materia, tunc unum peccatum est, sed plures augmenti gradus. Haec distinctiones peccatorum sufficiant: quamuis enim aliæ sint multæ, tam ad propositum praesens non attinent, ob id relinquuntur.